

天真閣集

天真閣集卷九

詩九

昭文 孫原湘 子澹

旃蒙單閼

新年雪

一夜寂無聲梅花飛滿城不因簾自卷祇道月猶明遠岫憑欄
失重裘著體輕新年是殘臘六出兆豐盈

元夕立春

東風昨夜破空來已見枝頭數點梅明月乍逢三五滿寒雲先
撥九重開金吾鐵鎖原無禁銅史銀壺莫漫催海宇昇平山郭
靜且憑歡醉上春臺

詢竹橋丈病

新年古木集鴉多繞屋烟雲護綠蘿想以高情厭塵俗故畱小

疾養天和巷逢馬爰鳴騶返門謝侯芭載酒過我是拈花大迦
葉可容相見病維摩

古意

子與天邊月皆爲我所思一輪今在望雙影竟何時碧落翻成
近黃昏不可期惟應兩無寐共此露華滋

西嶺

直上西南峯峯高雲萬重梅花三百樹一樹一雲封孤崔杳然
夢飛仙何處蹤空扶綠玉杖凍立碧芙蓉

洋燈

初春翦新鐙巧製法殊域團楮作胚胎抱素謝絢飾周旁肖儀
渾洞下許管測然明蠟鳳鎔彌隙銅虹塞泡張腹轉虛珠圓孕
不副炎威鼓洪鈞元氣包太極拋擲毬爭能吹噓扇展力隨風

倏上騰訝日未西匿燄燄從空摩輝輝漸天逼紛馳赤電橫急
縱晴霓直渡漢玉繩繫掩月簷諸劄四遊追解銜三舍退熒惑
頡頏下上中粲錯百千億浮屠安莫牢危檣矗可卽叢木蔽忽
虧樓臺閃微黑聳觀雲中迷遠矚野際得微爭漁火明小奪鬼
燐色流輝宿霧穿落勢迴颺勒紙鳶斷長縵彩鳳鮮雙翼不懸
華屋閒或墮茅檐側曲突徙不防燎原焰難熄金吾縱無禁司
烜寧勿飭燈火自繁華吾儕安惴惴讀易守蓬廬青藜照簷杙

野泛

烟渚瀾瀾耀入深數聲伊軋日西沈浮雲不定陰晴色飛鳥方
縈去住心寒潦何時空四野春燈此夕費千金詩人獨赴梅花
約幾點疏香出遠林

長子

文枬

與錢生

鼎元

蔣生

懷坦

張生

定球

約爲昆弟

四人者年相若志趣相得命畫工貌爲異苔同岑圖
以示慕悅之致錢蔣皆受經於余而張又余甥也來
請題因各進而教之

錢生如嬰垣白虹燭瑜次雖經土花蝕不揜夜光異芝蘭鍾謝
庭託根得初地蕪穢不早治蕭艾雜階砌性資本清純讀書頗
彊記男兒抱遺經匪徒爲高第富貴苟失身祖德自茲晉升沈
亦何常所貴忘我氣黃鵠萬里遊伏處戢其翅

鳳鷟而五色天性非尋常蔣生英玉姿奕奕若華光渥洼無凡
骨鬱林多奇芳美才忌輕炫志動神必揚思爲昆吾劍須鍊純
青鋼屈伸能自主所入乃不傷汝家華田公惠澤衍四方子孫
紹先業勿但侈金張大文爲犧牲至德爲膏粱饜飫捐衆欲世
道真粃糠

舊與子和交道義相規勸賢甥與吾兒毋徒事徵逐吹氣若崇
蘭雙花互芬馥崇蘭惡無實相將莠菽粟與爲豐年珠寧爲
年穀美玖遺沙塵識者自知玉嫫母衣錦衣姍笑起親屬聖賢
處艱貞天人抱幽獨紛紛青史中豈足定榮辱

築牆勿厚磚驅牛勿長鞭力能勤耘耔瘠土皆腴田兒生少貧
賤頗受祖母憐從來膏粱體筋力恐不堅珊瑚阻洪波夜光潛
深淵英雄不憂患何以成聖賢汝性實中下努力抱陳編時來
盡人性運衰全吾天

登山需躡屨爲仁需結侶青松且說柏獨學其誰與四子相結
交握手出肝腑升沈各有命大道無出處不見園中葵不見田
中黍同晦豈異穎拔茅必連茹墮地爲男兒於世竟何補采采
瓊瑤華夫何飢季女不扶而自植吾尤望爾汝

早春雜興

是歲閏二月

撥遣閒愁仗酒卮
醉來愁更倍醒時
詩情半爲春陰減
花事多因歲閏遲
頻答素箋消宿債
豫翻黃歷看行期
故園已是生惆悵
芳草那堪促別離

梅花明月大羅天
是我家鄉夢宛然
成佛肯居靈運後
爭名愧在照鄰前
黃金只有春難買
青史誰云賤可傳
閒對浮雲成一笑
東風無力爲吹穿

迴廊曲徑自徘徊
棖觸閒情未死灰
性爲不淫能好色
生緣無福始多才
春潮別浦從消長
夜月空庭任去來
偏是最關心事處
箇人樓外好花開

二月春痕透碧紗
柳條金嫵罩簷牙
石知變好還生翠
池有深緣恰受花
破屋數閒韓子慕
小園一賦庾郎誇
天公似妬江南

福不許詩人老住家

得梅花消息

燈事闌珊社有期
昭明臺下酒人稀
輕陰二月晝猶短
殘雪一城寒漸微
是處相逢休草草
當年別夢尙依依
定知開到三分準
蝴蝶幾雙高下飛

酒籌歌

此日不飲春漸深
美人捧籌來典斟
碧瑜之筒綠玉片
上刻奇字排森森
或教藏鉤或戰拇
或令射覆或賭吟
鶴紅犀白無不有
酣嬉百態何漓淋
酒半持籌忽獻歛
歛天生美材半閒置
不運奇謀勒鼎勳
卻傳小令司觥事
此籌若與張子房
幄中借箸扶高皇
此籌若與檀道濟
軍中量沙制元魏
最下亦爲蓮箭材
雞人一唱閭闔開
勝如金迷紙醉處
消磨白日供尊罍
忽而持籌

發大粲與爲齷齪寧閒散若令置之王戎家兩手銅臭來紛拏
不幸更入李老手雙陸局邊備諸醜籌乎幸與我輩親但供飲
酒消青春莫辭更酌十二巡不聞銅壺滴滴將向晨轉頭花朝
又春半有籌更爲花添算

比花篇

欲開未開花若烟三十四春人妍將花比人人不可儂不如
花只如朵將人比花花帶慙態如其活無其慙人從花中拂花
過蝴蝶飛來花上坐花不能言人有言花中消息須人傳花今
有信人無信人不如花心有定人有心兮花有心花心那似人
心深金烏燒得青天熱百萬芳心一齊拆

同人約爲鄧尉之遊不果乃選花朝攜榼擔酒至招真
治醑梅畢買小牒載素心蘭艤三橋下爲百花飲福

醉後放歌

鄧尉山頭梅笑人騎驢只繞虞山足招真治中梅笑人舍却眼前空望蜀胸中橫着兩玉虬忽聞翠羽聲啁啾但教俗事不挂眼人閒何處非羅浮風吹滿城春酒香春雲盡學春人忙吳姬捧觴爲君壽一百二十春光長我持一杯先壽梅梅花盡我頗黎盃壽梅須從老梅起其餘紛紛盡孫子爲問花前酌酒人那得如花長不死花顏若醉若有知諸君富貴自覓之但能結實似錢大醯醢會有調羹時勿徒效我作酸態道旁見者多皺眉人聞花言拜花德旁有幽蘭作妬色諸公不識素心人我亦今朝是生日洗瑤觴煖桂醕不能待君洞庭之南瀟湘之浦三橋烟水深復深暫借青山一延佇若論花朝載酒來青山是賓花是主若論輕舟傍水濱青山是主花是賓山耶花耶一齊笑焉

用寶主論紛紛遙酹春風一杯酒吹我容顏駐春久花前長作
少年人千古無茲真不朽富貴不足樂貧賤奚足愁君不見五
侯七貴勢炙手至今蓬蒿鼎壘土一邱翦花旗繁花采呼童擊
鼓催蓓蕾諸公喚我我不知夢覺已落香雪海

百花曲

春風吹客上高臺遙勸花枝酒一杯醉裏忽聞花歎息只同生
日不同開

桃花含情李花笑泥中藕絲獨抱愁諸公如有見憐意儂自生
辰在後頭

趙子梁索和花朝詞

小閣輕烟籠翠綃春來不隔路條條百花歡喜同生日萬事思
量又昨朝轉眼綠陰如水至關心紅燭有風搖闌干一角無人

地芳草青青自長苗

送人赴禮部試時余亦將北行

同辦輕裘各放船不多時別也淒然諸君得意看花日是我離
情折柳天燕翼漫分高下影馬蹄只判後先鞭玉壺好買燒春
酒相約長安市上眠

乙卯中春四日有女子扣門來年二十許荆釵練裙光
豔四照自言南海拜佛回隨佛光所指至此見君家
雙樹五色雲作瓔珞狀當有見女人身而吐妙蓮花
舌者因令遍相家人指內子曰是也前生爲富樓那
與二比丘說法簷蔔林聞蘭花香有觸而得今相佛
法無語言文字今以綺語刻畫萬象如天際飛霞水
中凝雪多此一念恐他生轉入仙人劫中不復歸嵐

毗尼也隨一女奴攜紫竹二爲人推休咎殊驗臨行
留一偈曰紫竹生竹林踏破鐵屨尋虛心卽是佛是
佛本無心其聲類魏塘東泖開雖言語詭誕要亦奇
矣

巾帔飄揚出水蓮市頭遊戲號神仙翠脣白咽桃花頰韓愈詩
中謝自然

戲語拈花見在身不妨香茗鬥清新他生小墮龍華劫尙是雙
成一輩人

閨花朝用前韻

翠樓重翦白紅綃齊把新條換舊條玉琯尙遲三月節金尊休
負雨花朝頻看果榼鮮枝獻細認桐陰小葉搖反覆冬郎悽斷
句情田無那又生苗

閒懷

吳雲楚水恨無窮都在悽悽掩卷中
寒食時光雙燕雨賣餠門巷一簫風
雜情芳草誰家綠得意桃花幾日紅
小閣鉤簾看不厭青山只與去年同

春日雜詩

小屏門角畫闌東淡淡梨花淺夢中
欲說生平無限事一簾飛絮又東風
小雨悄悄細若塵禁烟時節薄寒辰
天公不信桃花豔要洗燕脂看箇真

喜隨園先生至

一櫺下江城仙雲擁櫺迎梅花爲地主
天女盡門生寄人傳熟遊蹤竹記清
知公也應喜重見銷峯明

春盡日飲鄰洋閣

綠樹陰中鷓鴣飛芳筵促坐太依依三生握手交情重九熟驚
心節物肥花影尙搖殘夜燭酒痕還認隔年衣憐余將作天涯
客翻羨東君緩緩歸

莫愁湖櫂歌

莫愁湖水鏡光鋪莫愁艇子小如鳧儂會推篷郎打槳而今眞
是莫愁湖

郎住湖頭楊柳陰儂住湖梢蓮葉深清涼山上月光起兩頭蕩
槳到湖心

打魚莫出湖西頭江上魚肥莫下鉤船到江心收不住白浪如
山愁不愁

瓜皮小艇木蘭橈年年趕熱淮清橋今番繫纜石城口纔覺青

山似六朝

玳瑁梁高起畫樓樓窗齊挂珊瑚鉤登樓細數南朝事不及盧家有莫愁

前朝有箇武寧王子孫世世管漁莊昨日販鮮到城郭含愁怕過大功坊

阿閣三層丹碧新中山遺像莫愁真門前一片烟波水半屬英雄半美人

不向西湖唱采蓮不羨石湖孃子船翻出莫愁新樂府

乾隆皇帝太平年

入都留別

輕裘打點終年服半是愁親手自裁恰喜六旬猶老健頻催千里莫徘徊秋風或報佳音捷生日應添笑口開得固欣然失亦

喜從容負米定歸來

母誕日在九月望

從來路近說長安往復雙魚達不難
書莫經年忘却曬詩須按月寄來看
深知蓬戶持非易猶喜荆釵典未完
祇恐深閨太岑寂故教新婦爲承歡

一月前爲大兒成婚

四月池塘春草長紫荆花下盡行觴
長空去鳥寧無路故國飛鴻自有行
天下莫如兄弟好人生偏是別離忙
黑貂裘與黃金幣重潤蕭蕭季子裝

兄弟各有裘金之贈

爲汝匆匆賦感婚居然桃李爛盈門
稱翁尙覺慚聽婦娛母先期要得孫
書課莫忘教弟妹慈闈須代定晨昏
家風敢望兒如獬且免人呼作犬豚

綠陰千里噪栖鴉四月南風上水查
好友豫先期後會詩人偏是愛天涯
合離始覺文章妙灑脫須知繫戀差
看得故園花事

星搖輓去看上林花

寶應道中作

我船西北行風亦西北去船頭水聲飛船尾舟子踞布帆若健
僕猛力向前赴亮月如銀燈適導我先路五里一轉睫十里一
斜顧纔看瓜步山已見淮南樹人生快意事往往意外遇猶恐
快意多拂意卽茲寓來船艣聲遲遙語嘲且妬昨乘北風來黃
河亦飛渡

舟中雜書遣興

少年不自知家庭樂空擲閨中顏方紅堂上髮未白湖山八九
處健足恣遊適好友三兩人素心快晨夕苦爲微名驅妄意求
通籍舍卻枕席安而就車馬役或遂掇巍科青霄縱飛翮朝趨
金馬門莫使皇華驛還望故鄉雲渺若仙境隔或坐磨竭官滄

海終點額南北如織機東西若置弈老大竟無成筋衰不堪策
歸家見妻子顏比黃花瘠上堂見老親髮被秋霜易出門相識
稀登山足跛蹇回首廿年前佳日殊可惜欲勸家居人守爾五
晦三欲勸行役人迴爾千里輒并勸宦海中收帆作歸舶詩成
還自笑身是遠行客

守牖

一牖守三日前途殊渺漫候蟲催暝色去鳥入愁看鄉夢重關
隔河聲五月寒閨中小兒女應計到長安

三牖聽雨

檣鳥偏鬥北風鳴淅瀝篷牕不肯晴淮甸東南橫海氣河流日
夜轉雷聲新愁又減三分帶宿疾難除一字情跼踖機閒聽
雨何如歸去臥蓬衡

寄壽隨園先生

先生八十索新詩
搖筆多愁是舊詞
我有未經人道語
展禽曾點是公師

不持齋戒不逃禪
老去風情似少年
掃盡佛經千萬字
單存兩字是因緣

八十翁攜十八兒
恰將生日卜婚期
掃眉才子爲新婦
不作羹湯作壽詩

白髮齊眉老葛洪
聰明福慧滿堂中
殘牙喫罷孫湯餅
再喫瓊林餅餤紅

中途遘病觸暑歸
里支離茆簟者四十
餘日病起有作
只合湖山老寄家
行雲何苦向天涯
退飛竟作回風鷁
進步原知上水查
未許天香分桂樹
枉教春色負梅花
滄波擬踏紅蓮

去還倚扶桑看海霞

子梁不赴省試詩以嘲之

大婦含嬌小婦清侍兒猶是董雙成百花圍繞原闕福一種才
華別有情但使秦樓同寫韻那消金榜更題名人間不少流傳
賦卻恐君王問長卿

隨園燈宴歌

隨園先生飲客酒可惜當頭月無有先生勸客且莫嗟頃刻有
月兼有花文心之明明如九華燈影懸高臺文心之靈靈如玻
璃鏡子無纖埃先生靈明更奇縱直并兩物爲一用鏡四圍燈
當中金蓮開入菱花叢燈高然鏡反照天上月臨水中妙以燈
作月鏡作花花生奇光月有華以燈爲花鏡爲月花竟開齊月
無闕一鏡收盡一屋燈一燈能使鏡鏡留其形橫看乍疑燈在

鏡中走側視又覺鏡外燈層層忽然佇立直看去貝闕瑤宮深
有路其中大鏡小鏡鏡中各有春花秋月紛無數翩然而來者
何人諦視招我卽我身此時我亦化作百千萬億我一一俱在
鏡裏看珠輪酒香徐來燈花怒開先生飛我一巨杯陶然玉山
竟已頽圓外行人目光眩但見園中祥雲五色文星見

秦淮水榭卽事

何苦秦淮柳長條復短條每逢秋水至便折大隄腰花氣如三
月光自六朝誰家妝閣底宛轉一枝簫

太倉王秀才

寶臣

蕭百堂高弟也去年來虞於余獨見

傾倒今聞溘逝詩以哭之

自下忽聞王子訃陡然淚落去年秋最憐見我傾心服尙想同
君把臂遊到老聰明能幾輩他生福慧要兼脩經旬聚首情如

此那怪蕭郎易白頭

題號舍壁

簷牙低礙碧雲流
欲揭重簾不待鉤
任爾才如天上客
到來也要一低頭

蓮漏驚回客夢涼
輕簾猶卷一天霜
洞房爲有梅花帳
那得玲瓏月滿床

觀楓小石屋

疑有桃花入寺來
紅霞一片裏山隈
空潭水淨天光落
古洞秋晴石勢開
衣上白雲常欲雨
眼中滄海只如杯
疏林日暮清飈起
無數丹黃蝶送回

同人漉酒煮蟹泛飲西郭

有客歸舟自洛陽
輕櫂遲我泛晴光
孤雲千里帶鴻到
雙手一

秋因蟹忙旁若無人吾眼白似曾相識此花黃清時共喜閒身
在更爲丹楓各盡觴

後遊仙示凌客百堂子山

飛渡銀河萬頃秋一層波涌一層樓玉梯走到三千級還有微
雲在上頭

吹氣如蘭雪作膚桃花撒手盡紅珠劉郎早是覓消甚那暇丹
臺聘鮑姑

靈璈法曲太紛紛震蕩仙人駕鶴雲下有秦簫雙管裂諸天應
是不曾聞

楓林

清霜亂灑繡屏風返照銜山一倍紅隱士文章偏絢爛美人掩
映更玲瓏詩尋仄徑微茫裏秋在寒波澹蕩中欲喚大庭閨榜

本畫工那得似天工

過鄰淬閣婉僊夫人以梅花玫瑰珠蘭木犀佛手點茶
隨園先生錫名五花露卽事成詠

維摩渴坐四禪天玉盃擎來露液鮮果是兼全香色味祇宜供
養佛神仙不辭起舞風生腋那顧催歸月滿肩天女果然才似
海教人枯吻盡生蓮

錫山道中

梁谿谿水識愁顏小艇如鳬數往還富歲未知窮士樂中年能
得幾人間寒塘綠盡疑無路遠樹紅深定有灣十月東南風大
好片帆飛過九龍山

總宜山房贈趙處士

同漚

開門面一峯亂插碧芙蓉野飯寒泉潔秋衣石翠濃松聲半天

月花氣五更鐘瑤草如堪拾相期共駐容

賣鮐兒

宜興葉孝子賣鮐爲生母病鬲垂死孝子禱于神夜
夢神語惟剖心可治孝子遽覓刀自刎痛絕殞地邑
令阮昉巖先生升基按驗七入者四寸無點血踰夕
孝子忽甦母疾亦竟差此乾隆五十九年事明年余
出先生門先生爲余述之事甚奇行實庸也爲之彈
琴而歌

賣鮐兒蠢且癡母老病噎不可治泣告社公涕漣漣恍惚夢神
語醫母卽用汝心欲活母心卽藥急起覓刀向心斫鄰里喧傳
剖心子縣官聞報來相視血無寸縷面如紙神明佑兒兒不死
兒不死兒心恨不得取心恨刀鈍格格入胸纔四寸兒心未出

母病差匪神佑母實佑見神言聊以試心迹豈真人心可以當
肉芝或言賣饌兒果欲活母當求醫奈何猝以身殉之非蒼莽
者默相報先母而死真不孝古來忠臣孝子祇一意成敗利鈍
非所計剖心何補國步亡比干不及廉來智不見賣饌兒齏且
癡

汪澣雲進士

梅鼎

博學工畫以予故籍與君同隸新安

寫雲溪山水見贈作歌奉報

澣雲妙手奪化工割取一角香鑪峯陡然瘦插清溪中投我几
上雲濛濛意多筆少住不得筆外似有諸峯縹緲撐晴空新安
山水空玲瓏新安人多作客蹤三百六灘流出歸去閒殺三
十二朵金芙蓉君今小住蘇臺下故里烟霞恣揮灑開筆如聞
黃海松橫卷飛濤向身瀉蘇臺花月雖紛紛綠波不是曹谿雲

黃鸝勸君挂帆去勝如畫裏求榆枌披圖我亦思垂綸何處雲谿好問津先人邱隴松楸在原是齊雲嶺卜人

暨陽歸舟

一帆秋影翦江沙席帽峯邊看落霞山到晚來尤入畫葉經老去轉如花魚蝦潮長春申浦鷄犬雲深郭璞家曲折邨溪行不盡幽栖吾欲寄蒹葭

與金九參軍取酒飲吳氏存吾春齋

同出新安水一支相逢尊酒莫推辭人生離合浮雲笑世事升沈落葉知作吏要除紗帽氣求官只辦銷囊詩回頭十六年前事恰似他時憶此時

蕭二子山報罷從婁東來與吳竹橋丈鮑凌客話雨長

眞閣

功名易得友朋難聽雨時逢舊雨歡陶侃有親能款客林宗無
饌且加餐離騷讀便稱名士秋氣人宜作冷官珍重黃花畱晚
節一枝重爲翦燈看

駿骨猶堪入品題壯年休嘆夕陽西奇文誰解先秦識絕色翻
令下蔡迷科目將開鴻博近才名難得雁行齊謂蕭百堂鮑叔治梅花
柳絮分明處那在飄茵與墮泥

五湖歸夢竟蕭然幾箇閒鷗結靜緣當世宦途千百變斯人林
下十餘年香生帶草文章盛秀發桃花弟子妍只恐鶴書還赴
隴莫教騰笑出山泉

鄉書小捷愧烟蘿老女幽窗學畫蛾一第自憐登峻阪十年已
分臥滄波漫嗟雲路飛騰易畢竟巖阿著述多他日瀟瀟風雨
夜我思君子意如何

靜女四章

生小無雙品稽遲二十餘梅
花爲屋貯楊柳對門居玉鏡
愁奴聘銀鉤教婢書今朝畫
眉就清水出芙蓉

七出盤龍鏡新妝任意成藐
姑猶處子小婦卻同庚八字
都關慧三生只種情自知傾
國貌不敢顧分明

一夜東風到無人自卷簾生
香偏召蝶勿藥竟奔蟾才思
花前發容光雪後添同時環
與燕只是太穠纖

玉貌防人識冰心祇獨知愁
聞姑惡鳥愛繡女貞枝列肆
空錢會初三謝水嬉綠紗窗
緊閉何處入遊絲

鄰淫閣食單法隨國而變化
出之蘭羞蕙肴傳極芳鮮

卽席戲贈

胸中熟字一千箇顛倒用之
成絕奇從來至文貴意匠生
吞活

剝徒爾爲昔嘗論文持此意君也本之以爲味登盤物物皆尋
常入口津津悉珍異初下箸時人不識疑是彭鏗玉廚食鄉鄰
牆頭口流涎童僕都有欲炙色陳思七寶那足道何曾萬錢詎
能覓安排儉腹與枯腸要換糠粃貯金璧主人大笑曰不然此
實豆腐瓜茄筵但須火候十分熟會看凡質皆如仙隨園老人
食單造戈更翻騰出新豪文家最忌印板摹師意不師形更巧
我聞此言爲絕倒妙義未必君能道君家自有管夫人工詩慣
削檀郎草空中擲米化丹砂定出麻姑好指爪請君解衣親入
庖雕蚶鏤蛤爲嘉肴奏刀畢竟茫無措還去牀頭問捉刀

慎陽黃徵君祠

鳳凰瘖不鳴山雞伏不舞恂恂黃徵君何以致千古顧廚敦氣
節君獨曠無侶楊戴說經書君又默無語不知羣賢豪何用傾

襟與荀淑甫入境訂交自逆旅咄哉牛醫兒能制良倨侮同時
奉高器泛濫易挹取汪汪千頃波玆客自消沮始知真聖賢深
藏若良賈不聞陋巷中畸行學巢許不聞簞瓢餘著書述湯禹
功名不苟就徵召不深拒時無大聖人孰與商出處末流競錐
刀頽俗失砥柱荒祠屋三楹高風賴楮挂

岳祠銅爵

桐鄉金比部

德興

之所藏也高五寸六分深二寸七

分口徑長四寸五分濶二寸三分腹容四合重五百

十四銖中鐫精忠報國字左側鐫岳珂建造蓋阜陵

報忠後珂所鑄奉祀祭器之一

趙家金甌半邊失岳家銅爵千年出精忠報國四字香土花不
敢中間蝕冤獄當年莫須有金牌計出權姦手銀瓶弱息不瓦

全鐵椎將軍竟灰朽不念青衣行酒辱不惜金繒歲輸足散歸

五百背嵬軍

隨身酒器公以名其親軍

痛飲黃龍竟無福何物書生扣馬諫

南渡君臣肺肝見朝廷正懼兩宮還將帥空勞十年戰不成和

議帝不安不殺少保和議難格天閣上爐灰熱五國城中簪雪

寒千古奇冤誰一洗幸有阜陵能繼體既將銅像鑄全身更錫

銅章蔭孫子銅如有靈鑄應躍餘屑猶爲廟中爵墓前頑鐵恨

難銷不幸鑄作秦長腳

閨閣消寒雜詠

拋鍼

一陣輕寒著指尖爲誰辛苦繡還拈殘絨怯向當風睡弱綫慵
教挑日添暫阻雙飛成彩鳳曾穿九孔對銀蟾誰憐老女幽窗
下瘦盡春愁不敢嫌

補窗

爲愛寒花透進香
戲憑鍼孔漏秋光
燈紅忽閃風三面
雪白重糊紙一方
不礙關心通笑語
何從著眼看梳妝
拋他月姊簾櫳外
敲盡鐘聲自下廊

添裘

細骨姍姍弱不勝
翠雲輕軟蓋吳綾
風姿恰好全身稱
雪意還催半臂增
襟帶著人香縷縷
衣珠倩妙卸層層
消寒笑泥相如飲
卻問驕裘典未曾

圍爐

寒宵姊妹最相憐
笑守紅爐不肯眠
語次那知風信緊
坐來剛比月輪圓
久貪偎傍中心熱
豫喜團團後約堅
便到灰殘香燼候
未妨擁背話纏綿

炙硯

一朵湘雲凍玉池元冰黯澹罩紅絲氣呵蘭蕙嬌無力火活櫻桃煖自知消釋先從浮面處溫和須有耐心時何緣手捧琉璃匣親炙書仙衛茂漪

煮雪

陶家甌子謝家庭風味新傳陸羽經柳絮撲簾何寂寂松濤翻鼎太泠泠消融水乳都澄徹疏淪聰明到性靈一種閨房清絕事閒窗休說鶯姬聽

煖酒

小槽清響滴紅珠玉榼浮香沸翠鑪隨量淺深爲把注關心冷煖費功夫二分寒色消梨頰一點春情透雪膚纖手自提銀鑿落問郎堪否便當爐

熏牀

放下流蘇炷辟塵頻呼小婢看逡巡香原損肺無多染煖要隨
心只在勻運轉須教周四角寬圍約可裹雙身笑他銀鴨脩來
福反比人先臥銷茵

擁衾

銷幃一綫射朝暎喚起惺忪小夢覓絮枕倦支雲作態袒衣初
卸雪畱痕餘香未盡流連意宿火猶邀覆庇恩憐絕繡鴛鴦七
十半邊冷卻半邊溫

插梅

揀得南枝畧帶瓊玲瓏恰與慧相關橫斜入畫心纔愜疏密如
詩手自刪平日性情原近水箇中安穩亦空山洞房深晝垂簾
地羌笛應難到此閒

長洲韓旭亭封公

是升

屬題先世墓田圖

崑山王叔哇孝廉學浩作

素練無顏色風生古墓陰百年松柏意一片蓼我心丙舍鍾繇帖南陔束皙吟人間好圖畫無此孝思深

就使眞廬墓翻成有盡期但畱空翰墨勝似翦茅茨白髮懷天性青山樂聖時無窮移孝意好說與諸兒

柔兆執徐

出許墅關

市聲清曉散林鴉客舫橫排鴈字斜去路一身拌作僕出門三日便思家自將行卷供關鈔不把頭銜託使查我望金閨如故里閨中人望已天涯

揚州

春水綠迢迢凌波廿四橋參差畫樓影一半入青霄樓上朱顏

女時吹苑轉簫梅花三萬樹飛雪滿南朝

曉行同子侃作

一杯卹酒朔風遮四鼓衝寒絮被加歸思料應人各夢清談喜
得友同車驚看白日衰親在嬾向青雲捷足誇真箇長安花事
好何如故里玉梅花

花朝疊去年韻

碧雲縷縷翦生綃閣在初青嫵柳條衣上酒痕如昨日眼前花
事錯今朝程經瘠土詩俱瘦人坐輕車夢亦搖賸有愁心寄芳
草隨風南下長根苗

社日

道是無時卻又晴亂雲深處夕陽明空濛山岫翠猶溼高下麥
田青漸生僕爲衝寒偏走疾馬緣得路覺蹄輕酒旗社鼓東風

裏燕子南飛我北行

月夜早發

客睡不曾穩雞聲喚僕夫霜濃愁草滑石細覺途迂曉夢如雲
亂鄉心見月孤維摩今夜雪開徧嶺梅無

柳下惠墓

齊大幾將魯鼎遷先生一語足回天道甘三黜從官小謚定千
秋賴婦賢裸體有誰能我浼坐懷何處得人傳此來正值和風
候楊柳陰陰拜墓田

滕文公廟

百戰縱橫日雙雄睥睨餘此邦真最爾何力以堪諸幾失祖宗
業猶脩皇帝書至今餘廟貌齊楚竟何如

謁孟子廟

闕里斯文喪乾坤一戰場大賢天挺出古道日重光功業追神
禹尊崇亞素王廟堂瞻企久門外嶧山蒼

德州道中

匹馬入風沙孤城隱暮霞四圍春不草二月雪猶花野渡殘冰
合官橋瘦柳斜行蹤與飛絮各自在天涯

子侃於車中得偏生二月別江南之句爲足成之

天涯悔作故鄉談愈覺風塵百不堪離思結成雲黯黯春情盡
出柳毵毵遲徊去路雅先倦曲折長途馬自諳人面桃花俱若
夢偏生二月別江南

晚霽

二月燕山道東風匹馬輕雲推千樹出雪洗四郊清鞭影閒忘
緩鈴聲脛喜晴前邨酒帘裏疑有杏花明

趙北口泛舟

喚得燕南渡口津春光濃蘸柳條勻
島頭艇子衝波去若種桃花更可人

漁莊一簇柳毵毵隔樹晴烟染蔚藍
笑看綠波中影子居然面目是江南

魚鱗雲在鏡中搖穩把輕篙當畫橈
一抹斜陽紅不了輕風吹過十三橋

南望煙雲真靄餘倦遊心事託輕車
小橋買得雙紅鯉儻有閨中銷字書

新城

一灣流水忽空明近水楊枝二月生
繞郭有山皆畫色出門無日不詩情
波浮白鷺知春煖野叱烏犍趣早耕
不是黃塵飛滿

目幾忘身在客中行

道旁見蝶

曠野氣蕭索翩然獨識春以花爲活計與扇是前因陌路無芳草天涯有美人今宵歸夢好願託爾輕身

琉璃河

劃破琉璃界銀河尺水通平翻兩堆雪橫亘一長虹人老車聲裏春歸柳色中桑乾立馬望直北萬山雄

曉行遇雪

雪勢殊未已亂雲推不開直從大漠野怒挾北風來頓失裘重襲能冰酒一杯壯心偏自煖策馬上金臺

入都口占

旭日方中瑞氣纏鳳城雙闕五雲邊一家堯舜傳心日四海車

書養志年早盼鯨鯢清海甸已聞鷁鷺肅班聯春風豈爲看花
眼得覩孤稜始快然

寄內

梅蕊香中折柳枝天涯又見絮飛時定勞辛苦調親膳應有推
敲寄外詩春病二分離弱體郵程一月達京師歸帆不爽臨歧
約但屬荷花畧放遲

贈太原某生

絕不逢人處翩然忽遇君泉烹晉祠雪樹拂太行雲秋水蛟龍
劍春風蛺蝶裙蓮華香氣外世味不曾聞

戲贈歌者王郎

寧見尙書一刻遲春風先認小楊枝二分明月三分酒唱出梅
郎絕妙辭

崇效寺看海棠

百錢買得小犢車飄然來看城西花
離花一里見花頂白雲纔
寺成紅霞三閒琉璃大佛殿花光直射如來面
花底僧雛自往來
袈裟常溼燕脂片茫茫人海十丈塵夢竟隔絕江南春今朝
借花一洗眼始覺還我花前身我欲將花逕
刷取連根移種江南土只許佳人俊眼看
勝教老佛低睂睹花聞我言若笑來江南
豈少花枝開荒園廢圃往往見幾人立馬貪徘徊物無貴賤
貴在少孤根幸託長安道尚惜長安灑灑花不如塞北青青草
日午車聲歷鹿過花閒亂踏豪豬韉但教萬口傳名遍那惜沾
塵日日多

名花十友歌爲橋李項茂才

繡斧作

世間妄想寧有此盡娶毛嬙與西子英雄失路無可爲顛倒奇

思出非理既無帝王羯鼓催花力又無神仙頃刻開花術四時
花并一時紅只在書生一枝筆友花主人坐中央嘉賓羅列分
兩行花亦有向背而無揖讓忙花亦有笑顏而無諂媚藏靜中
吐納得花氣腎腸心腹一一都生香我有飛章奏天簡春花秋
花一何板不如四時錯雜開冬月見蓮夏見梅不然一開不復
落西施直待毛嬙來君之此願始得遂日日傾倒花前杯天官
真有司花神春不借秋秋不春常恨古人不見我又恨我不見
後人安得盡如友花主人愛花旨盡取我前我後才人畫一紙

掃花篇

上爲綠陰下芳草中有花覓飛渺渺花覓一縷何處尋只在少
女癡兒心落紅滿地衆芳歇銷盡花覓賸花覓東風欲吹吹不
高回望枝頭不如葉勸花莫入水際流波漂浪泊何時休勸花

莫從草間住弱質輕塵豈堪附三尺帶五尺鋤千秋一哭同耶
壚門外落紅收不了眼前且共閒雲掃掃花知掃幾年春且趁
花前此健身爲花築香泥蝴蝶來會葬蝴蝶翩然亦飛颺只有
青天冷月寬斜挂一鉤香冢上莫笑惜花情性癡惜花人自惜
芳時世間多少聰明客送盡殘春竟不知

出都口占

落花飛重柳飛輕不定東風上下情日下龍揮求米帖河間浪
說數錢名漫將一擲拌孤注暫許三年託耦耕生就珊珊仙骨
在此身終合到蓬瀛

古意

垂柳綠毵毵垂髻女十三春雲天半尺秋水月雙潭蝶小香能
識鶯雛曲自譜玉梅花一樹合種大江南

春怨在琵琶春紅接晚霞一彈當子夜三月落桃花立馬催題
扇征鴻動遠笳明朝回首望直北是兒家

回車

滾滾黃塵落滿衫晴雲纔破夕陽銜崎嶇坡路行全側偏窄車
圍坐若嵌小就功名尋故紙耦耕歸計託長鑱此行不分熱風
裏穩挂清江一扇帆

逆風渡江

染得京華十斛塵今朝洗盡大江濱春風一榜聯名士舊雨三
生託美人歸夢不教雲影隔還家猶趁月鉤新回頭戲語封姨
道只解長安送畫輪

歸理書齋坐雨有作

去時叢夢未開全轉眼芳陰樹樹圓歡喜乍停行李日冥濛剛

值熟梅天似將歸客塵容洗卻阻良朋見面緣欲起愁心還放
下江南雨足是豐年

天眞閣集卷九終

天真閣集卷十

詩十

昭文 孫原湘 子瀟

王煙客溪山無盡橫卷

國初畫手稱四王就中變化尤奉常尺幅可得萬里勢筆有神
術如長房此卷溪山更奇絕陡然絕壁橫空蒼山腰白雲忽遮
斷屋角微露仙人鄉長波浩渺挂簷際青螺數點浮中央天耶
水耶不可辨帆檣紙上爭低昂忽然山平溪更曲叢叢竹樹繁
漁莊空靈意境豈人世但覺秋水浮清光奇險定由平淡造勢
作一蓄如文章觀者至此心手懈逕欲卷起長江長別開異境
出天表筆端驅使烟雲忙誰將蓮花太華頂割取橫插青蒼茫
其中烟嵐更回互山腹無數青山藏勢如怒馬正奔突截然竟
止收回繮始知老筆老無敵收束元氣歸還荒令人想見楮墨

外岷峨萬里連瀟湘

尋隱者不遇

見亦仍無語猶勝不見回終年能幾會一度又空來暇日旣難得愁心胡可開明知枉相憶對影苦徘徊

獨步至城南尋藕花得竹逕小憩

數里香自透到來翻覺虛祇緣逢竹密卻使見花疏雨送晚來翠仙畱何處裾素馨三兩朵拾得似瓊瑤

集飲李家池上放歌

年年荷花大如斗吾輩酒狂開酒口城東醉畢來城南直到花疏泥出藕今年華漚雨水大田夫作壩截船過李家池頭爛漫開擔酒脫衣爭入坐是時日未升龍淵花心一一俱朝天風吹冷香沁肌骨令我百竅俱生蓮水精不落金叵羅長鯨倒吸滄

江波我爲君酌君爲歌回看荷花已盡醉花口閉卻朱顏
醉花開今年猶去年酒人今賢非昔賢世途通塞不可擬
偶一看花尙如此安得稊稭二頃田四圍多插荷花鮮飽飯
跂腳花閒眠太平容我終陶然聞道湖湘金鼓作人頭多似
蓮花落今日桃源未必樂

將進酒

葡萄酒青田壺施娟提嫫左右姝銅龍漏滴銀芙蓉此時不飲
將何須轆轤井闔闔扉百年空復勞其機伯倫一醉埋便足嗣
宗多事猶狂哭鏌邪光燦燦能屈兼能伸鐙前抽出一回看驚
走魑魅亡精覓世上恩仇亦何有萬事不理且飲酒

納涼辭

紅霞燒天半江紫蘆花枯立不拜水一船橫泊四面空面面俱

在洪爐中封姨一春太狂激帝怒遠貶燭龍國陰氣內制陽盪
磨老兔多作金烏色小兒不解事彊把短笛吹一吹風不起再
吹風益稀龍宮老蛟正苦熱雙角出聽海水飛不如歸臥七尺
牀汗出浴體心自涼君不見楚師殺賊賊走急追奔逐北夜不
貼廟堂日盼紅旗捷

碧紗廚歌

爾不酒爾不書空空洞洞胡爲乎非烟非水非雲銷堂中一片
青饌餽金蓮四角雕文疏五花簟滑雙龍鬚空空洞洞胡爲乎
竊窕二八傾城姝炎風灑汗月炙膚此間樂樂何如可以永夕
相嬉娛可以酒可以書涼颼一夜起天末美人斗帳懸流蘇空
空洞洞胡爲乎

插秧辭

穀雨齊過芒種天家家浸穀作秧田婦脫布衫兒脫袴顧喫如
何顧得穿

嫁夫莫嫁白須郎插秧莫插小暑秧老年得子無好種小暑插
秧難得長

東鄉插秧水沒頭西鄉河底乾如溝阿儂家住練塘岸水旱年
成總弗愁

日午驕陽汗似潮勸郎莫苦肌骨銷東家夫妻無稻種跛腳高
眠心更焦

一寸指齊一寸秧莫怕泥深秧透長嫁女別孃新插戴外頭好
看裏頭傷

莫看青山莫看天阿嫂分秧姑比肩功夫只消一眼錯下手人
爭上手先

織布要織密密梭插秧須要分秧窠種穀防飢子防老養好何須養得多

秧若排勻穀粒肥秧不分窠穀不齊近來官府徵租法只嫌米少弗嫌低

插秧莫插別家田別家秧好空垂涎筆畫棋盤方四角悉聽縱橫莫過邊

一犁好雨綠如莎大家快活賭新歌昨日縣城見官帖要點丁夫去荷戈

苦熱

竹牀冰簟不成眠曉起紅霞又滿天那得幽居涼似水更堪長日杳如年從來酷暑難饒貴果有清風不要錢卻笑東臬荷鋤子望余樓閣尙神仙

比蓮歌

郎從荷花開處來道花似妾雙紅頤儂豈如花郎眼錯郎苦邀
儂一船去晨興畧理雙鬟雲藕絲衫子湘波裙離花遙遙花氣
吐郎道非花是儂語人語花香辨不清花開笑口來相迎誰言
蓮花似儂色儂不如花紅映日誰言蓮花似儂香儂不如花香
透涼數朵蔞紅或相似儂又不如花有子若將蓮瓣比儂跌儂
瘦不如花瓣數儂借花光作明鏡影在花閒搖不定非關妾影
太生嬌水中蓮花自不搖郎自聰明如藕孔將儂當作蓮花寵
郎自纏絲如藕絲將儂當作蓮花思如何水上雙鴛頸也撒花
枝就儂影不願蓮花似妾容願郎心與蓮花同蓮塘一任西風
老蓮子同心永相抱

鄰宰閣九客歌

趙子梁有硯癖所居鄰泮閣取結鄰於泮妃之意蓄
端溪水巖不下百方擇其尤者品題而甲乙之曰百
晦曰浮玉曰朝霞曰金菊曰乘查曰浮青曰斧黻曰
雪蕉曰青芙蓉屬余爲九客歌以紀其盛

平原座中有十客一一端靜而沈默就中一客獨能言九客姓
名賴以傳客來自何方云是端溪下巖東洞產日月生光華蛟
龍護蜿蜒挺此英玉姿磨礪等珪琬主人愛客客盡羅被以銷
繡濯以波獨飲一客酒請爲九客歌客生本同里客來非一時
有客蒼然色溫潤字曰百晦名逸之相傳豪家世拱璧一朝析
產并客析惜客不析抵晦百飢來對客喫不得客舍豪家作君
客君愛此客冠客羣百客不如一客尊座上首延老名士幕中
別寵三佳人佳人膩玉顏小字稱浮玉玉理在性情玉光在肌

肉其妹曰朝霞其媵曰金菊麗采骨欲飛秋香手如觸各各溫
柔剛在理十二龍寶遇之靡主人不敢輕摩掌留待仙人協蘭
子宛仙夫號別有乘查一客星支機片石所化形相攜小友名浮
青玉顏光潤尤瓏玲更有繡衣使者持斧敲元香太守首被屈
主人獨與相切劇對客揮豪氣騰鬱一客翛然巢許輩自號雪
蕉性韜晦就中惟有青芙蓉與我書齋習相對主人夫婦神仙
儔吟聲日逼青天秋九客周旋給驅使但聞隆隆磨腹無時休
客乎客乎爾無憚此役爾備五色文本是女媧手中擲卽今天
公多不平願請仙人用爾補其缺歌成九客笑視予君亦他山
一頑石

仙人畫蘭篇

仙人畫蘭非畫蘭自將素影撫姍姍嬌柔是仙骨嫵媚是仙顏

離離仙背削楚楚仙腰妍有時纖枝畧帶彎是仙弱態凭雕闌
有時繁花若盡刪是仙素面朝清班或時一枝畫在側是仙所
愛之女鬟兩枝直起忽交互花蕊蕊錯迭難分單是仙別與
仙伴樂意交相關畫蘭非畫身畫出仙之神豈徒仙之神直將
性情和盤託出平生真仙人本愛閒不畫叢紛繁仙人本愛靜
不畫風披翻愛潔不畫寸土著根際愛貞不畫蜂蝶相迴環不
畫葉謂葉無清芬不畫草惡草生當門不畫雪月水石種種礙
花狀要使翛然獨立於乾坤讀仙畫蘭仙意傳奇芬如與仙人
言不獨仙人之心畫中出直取世閒愛蘭之心都入仙毫顚不
然古今畫蘭無慮億萬千或滴翠汁如眉鮮或和墨澹如雲烟
仙人一筆都掃卻獨將白描描出真天然如此才足當神仙離
騷篇邪蒙莊文邪瀟湘之雲邪安得化爲苔與蘋願仙繪我花

之霓花心是仙點花舌是仙安花身宛轉在仙手仙氣著花花
不乾畱與萬古愛蘭之人子細看仙人畫蘭非畫蘭

立秋日作

九霄風過片雲橫乍覺虛堂几席清
餞暑芰荷渾不語迎涼梧葉有先聲
山分卓女眉邊瘦秋在潘郎鬢裏生
老樹一蟬高唱起亂蟲無數夕陽鳴

七月七日鄰萍閣巧醺放歌

主人飲我一杯酒問我雙星幾時有
笑指青天說與君萬古生一夫婦世人但知稱女牛
腐儒刺刺辨不休陰陽摩盪各有偶
星辰豈必無鸞儔人苦無情如石鐵有情又苦中道絕
似此秋期永不愆一片綱常至情結十二萬年永相好
不聞牛郎嫌女老人心但如牛女心茂陵白頭何必吟
所愁人閒易閒阻生

死山川更風雨良朋賞聚或有然何況深情屬兒女君不見前
年設醺雨注盆狂飈撼屋客閉門去年招我我方病臥看雙星
樹頭映惟癸丑秋會宴此酒徒零落今誰是鮑客走天涯陳
則死賸我吟顛不知止四年翻覆如雲烟何況茫茫人百年百
年聚散縱難定此心當似金鈿堅卽今吾曹恣歌嘯門外人占
德星耀諸公相好莫參商參商恐被雙星笑

七夕擬牽牛贈織女

萬古銀河水一泓照來雙影暫分明肌如冰雪消無質環繫星
辰弄有聲花燭普搖經歲淚玉蟾親證此時盟勞卿手贈回文
字多少情絲織得成

擬織女答

風露蕭蕭夜可憐卽行猶立絳河邊波橫鵲羽應知倦冷入牛

衣不耐眠種玉有緣難借地聘錢無力可償天仙家小別年如
日一日寧知似幾年

訪湖上友人

三度尋君不見君蘭橈閒畫一溪雲波浮鷗鳥似前導路隔荷
花殊不分湖氣欲催天色暝漁歌空雜水聲聞相思未定相逢
日且擬明朝蕩夕曛

七月晦日鄰洋閣夜話

柴扉閒帶夕陽敲一笑相迎卷未拋人淡秋花宜靜對心虛脩
竹是深交明河隱隱穿簾隙清露微微溼硯坳今夜常娥深閉
影漫勞癡望碧梧桐

秋日書堂

疏櫺六扇敞虛堂手倦拋書繞曲廊雲弄薄陰催暝速天飛急

雨作秋忙淒聲易觸閒情動涼氣先和病骨妨一簇牆花紅耐
久乍零清露未霑霜

憶梅

何處相思似此深杏花開日到如今江城有客還吹笛海上無
人欲碎琴殘片偶從書裏得空香猶趁月邊尋孤山處士真癡
絕究竟何枝屬姓林

菊

籬落何曾借小春愈添霜月愈精神花收一歲羣芳局秋是中
年絕豔人帶隱逸風依處士近重陽日作生辰情癡欲放妻梅
例只恐貞心比綠筠

八月初三夜再過鄰洋閣

每來隔日信如潮客不來時主便邀知己一生能幾箇與君雙

坐快連宵人聞落葉秋先醒婢聽談詩睡亦消又報纖纖眉月影紅闌移過碧芭蕉

子梁過長真閣夜話

我不過君君過我閒雲來往總翛然同拌露坐清於水各占風情分屬天秋氣可能醫懵懂綺懷恐礙學神仙夜深談到纏綿處月也來聽影上肩

秋懷

縹緲瓊樓縹緲思參差畫舫笛參差風懷甘苦惟心喻秋味酸辛有骨知明月偏圓人去後私書難達雁來時疏雲也似含情重頻漏青天雨幾絲

仲秋十有三日同人集長真閣爲賞秋之會重陰掩月盡二鼓迺罷

有心觴月偏無月始信人生會合難風靜且將銀燭翦花開休
放玉杯乾暗蛩不語露華溼早雁欲來秋氣寒莫怪常娥妝閣
閉團圓纔許萬人看

十五夜無月獨行數里而返

晚晴微破月黃昏漏出青天玉一痕畢竟常娥不容見秋雲幾
片是重門

幾家燈火自瑤臺浪逐香塵去復迴贏得滿身涼露溼夜深也
算月中來

十六夜集鈍閒齋

連宵明月負諸君破例今宵肯出雲簾卷放將秋氣入衣單消
受桂香熏清時且作雞豚局慧業誰收翰墨勳譚笑風流工勸
客果然俊逸鮑參軍

古意

一日不相見湘江深復深惟應江上月照見此時心蓮葉未堪折霜華空滿襟洞庭波渺渺惆悵又如今

秋日過素脩堂

不到高齋久蓬蒿一徑生稻香知野趣柳老得詩情書早孫能讀茶先客至烹門前烏鷺影秋水最分明

十七夜集舍弟餐秋書屋

幽巷纔停薄笨車畫簾鸚鵡已呼茶座無絃管能催月家有池臺不種花詩艸瞞人兄亦避酒杯勸客僕頻賒咽咽漏鼓休相促醉倚梧桐影未斜

鄰洋閣七客歌

子梁於九客外別選七客邀余續歌曰海山春日水

雲曰夔龍曰羽觴其傑出者曰琅玕聲價殆與百晦
埒曰潤玉者副之曰太白瓶尤與予習予過鄰梓客
必出見故以爲後勁焉

我爲君歌九客歌君家所寵客尙多君更酌我雙紅螺邀我續
爲七客哦海山春涌何嵯峨姍姍其來凌微波綠霞天半仙人
呵水雲侍者隱斧柯得非曾識汪生過夔龍才大耐切磋快劒
斫取生蛟鼉助人文思如江河有客疑是晉永和羽觴自泛巖
之阿琅玕窈窕真神娥天寒倚竹翠袖拖玉顏不敢輕摩抄龍
冠諸客非卿何侍兒潤玉光瑳瑳肌理細膩姿婀娜相依左右
牽烟蘿惟太白瓶常撫摩伴我酌酒顏頰酡供我醉揮字擘窠
君與七客時研磨酒養七宿心胸羅與前九客共婆娑勝舞十
六尊天魔

酌北山桂花下

醉裏不知秋遠近山光引我渡溪濱
低頭老樹先迎客到手清尊肯讓人
我輩前身是金粟此花開處卽冰輪
臨風莫漫歌招隱九里濃香十里塵

登鐵佛寺飲於竺仙泉畔次鮑凌客韻

佛緣喜得遇支郎供客寒蔬脫粟香
遠磬忽生秋寂歷飛泉能灑骨清涼
百年共喜閒身健一醉難禁故態狂
贏得野人開口笑滿頭歸插菊花黃

觀劇二首

故鄉新月菊花期莫負清歌勸酒卮
八尺紅瑜雙畫燭登場須有下場時

妙舞如雲態不同衣冠偏逞滑稽雄
聲音莫笑當場假正恐當

場尙未工

李味霞過訪適登北山未反貽紅蓮米一囊而去詩以

報謝兼訂後期

三年不聽李郎琴落月西窗夜夜心孤舫忽乘秋水至短筇偏
入白雲深時清又見豐年米餽遠休猜莫夜金酒熟試來同取
醉枯桐何惜爨餘音

秋雨寄遠

不雨已愁絕蕭蕭胡可禁虛堂秋夢碎老屋莫寒深水闊魚書
杳天低雁響沈黃花開復落應有故園心

秋閨

鯉魚風起老芙蓉涼入單衣最褰重別後懷人偏夢熟瘦來看
影覺睂濃浪傳瘳恨非無藥誰說承恩不在容幾陣紗窗敲落

葉是儂身世是歡蹤

題雲林小景

古木太槎枒橫空不著花偶然落點墨遂爾聚飛鴉高格疇能賞纖豪莫可加無人堪入畫何用畫人家

聽雨

淒淒浙浙復泠泠不種芭蕉自可聽小閣轉生心寂歷疏簾都化霧濛冥十年舊事燈如夢一夜寒柯鳥亦醒望斷美人天末遠幾多清語付簷鈴

過東園追憶乙巳年觴詠之勝

園雖易主園如故前度賓朋我獨過階迸綠莎穿瘦竹橋餘紅板臥清波粉牆剝落畱題在塵榻思量感慨多曾是故人攜手處桃榔一樹重摩挲

看菊玉松山房追和去年毛三寶之韻

僧房幽綠閉莓苔簇簇秋英對佛開影亦可觀方絕美香能不
露是真才霜中敢作羣芳殿林下曾逢幾輩來欲把一尊酬逸
興此花殊有翹生材

白菊

翩翩玉佩下瑤林籬落寒香曲折尋北雁書來霜漸繁西風簾
卷月初沈水仙操撥絃聲細雲母屏圍燭影深一自素心相識
後人間聲價薄黃金

菊影聯句

涼蟾闕層雲清輝耿銀蠟寒花靜依人孫原秋氣黯小閣四壁
雪欲流趙同一叢墨初搨不獨花有致席世更喜葉交雜扶直
插竹可湘原芟繁把翦盍妥貼位置妍同斜整行列匝悄立夢不

搖世昌久坐神與合無濃淡淺深原有有高下重沓移屏別本無同

入畫真景合古皆切覓離近可招世昌形對默相答燄閃風若來原

香空牖虛納鏡中黃自辨同籬下瘦曾踏澹澹秋水舍世昌遲遲

夕陽拉遜此幽夕娛原免彼商飈颯飄灑上接籬同紛披映肴

榼醉眼漸饑餬世昌抱影臥陶榻原

供菊歌爲蘊玉樓主人作

幽人愛菊如愛客菊與人爭地一尺不謀坐人先坐花要使人
來坐花隙一室容數几几容數花色色不重複枝枝異橫斜
淡者如遠山濃者如朝霞疏者如晨星密者如栖鴉下者如企
高如遮餘者分插四壁上便借花作花籬色寒宵沈沈一燈靜
人來扣門看菊影初疑花滿不容人坐久人如與花并花影疏
人影補之使不虛花影密人影閒之使流逸影濃影淡各有態

影下影高殊不礙此時須問花主人客與花枝果誰愛商飈颯
颯吹滿城家家籬落寒蟬鳴一般佳色豈異種摧霜泣露難爲
情卻看座上花秋風不能近始悟升沈遇偶然不關志氣殊朝
隱想君熟讀杜陵茅屋篇庇花如庇寒士顏祇惜老屋纔得此
一閒君曰吾患不在屋方今寒士多塵俗吾有吾屋寧置菊

同竹橋丈東叔子梁重過玉松山房疊前韻

蠟屐尋秋兩印苔禪扉重扣竹閒閒清閒時稱老詞客隱逸花
如真秀才自保寒香休炫耀誰拋美宦肯歸來相期晚節同貞
守不耐嚴霜定薄材

殘菊再疊前韻

幾本離披臥綠苔星攢細瓣漸分開便供夕膳味無味暫寄寒
籬才不才白髮簪時應自笑黃金散後可重來西風一掃空三

逕獨讓蒼松挺異材

聞毛三寶之入粵之信三疊前韻

羅浮峯頂月生苔君去梅花樹樹開應有驂驢通驛使儼逢蜩
蜷闕仙才西風客思天涯滿南海濤聲日莫來好向尉陀臺上
望霜林誰是歲寒材

以園菜遺東叔子梁四疊前韻

菜甲經霜欲臥苔急攜鴉觜爲挑開餽遺逕不嫌邨俗風味原
應屬秀才恰喜萬民霑色少須知百事斲根來魚羹肉臠如相
仿孰是麤材孰雋材

竹橋丈謂余疊韻詩神妙不測惠然有贈五疊奉報

蕉葉吟箋滑似苔冷香堆裏筆花開色佳佛亦難空色才大人
方肯愛才青眼敢誇同調引蒼頭又見異軍來詩筒絡繹城東

路童僕爭誇捷足材

白秋海棠

薄羅初試縞衣新
露重霜輕八月春
但埽蛾眉朝白帝
未須獺髓補佳人
微雲飄渺思前世
冷月聰明有後身
一種悲秋閒意致
綠苔蹤迹閉紅塵

星爲環佩雪爲襟
斜倚西風冷不禁
瘦面羞爭西府豔
斷腸潛處北窗陰
冰壺慣灑相思淚
玉砌難消此怨心
自與遠人分手後
拋殘紅粉到如今

遠眺

秋色滿高臺
秋陰蕩不開
當窗峯十二
一翠飛來遠水浮
空立孤雲帶雨回
眼前搖落意未是爲秋衰

持小札向人乞菊分插案頭

微隱還憑隱士詩東籬聘取傲霜枝書緣嬾性休嫌澹花似閒
情不諱癡鼻觀寒香通昨夢膽併秋水貯相思短長疏密皆堪
用只要因材位置宜

立冬日晚過集芙蓉室看菊

曲徑疏籬爲客開不辭清露踏蒼苔此花殊有三生契我輩俱
非百里才室賸寒香秋未去人如明月夜方來小窗相對離騷
讀疑有金英落酒杯

紅梅

天與羅浮絕世姿誰將絳雪染南枝寒消玉骨都如醉春到冰
心不自持翻變曉妝凝獺髓可容清水洗燕脂夕陽看殺桃花
影卻憶相逢縞袂時

墨蘭

蘭爲君子香世皆愛其素茲獨變本質天以墨胎付種豈出竈
山根或託元圃苟非臭味存幾訝失其故物理貴自葆形色乃
徒具不見山中茅蓬蓬梗當路就其潔白姿亦可雪霜附本性
既不芳脩飾豈足據茲花賦墨色遂以墨名署不受黑水滋寧
邀黑墳護如人衣緇衣豈卽改故步或居卽墨鄉不必性貪賂
俗眼惟貌取國香更招妬彼具素心品猶乏賞音遇矧此隄塵
容直毀點塵汚幽人發真鑒愛此永朝莫供之烏几妍園以皂
紗佳撫形旣徵圖賦狀復索句要明潔白心不在形骸寓却愁
看花人終爲白茅誤

長相思二首

一日不相見相思比日月兩日不相見日月空山沒三朝又三
莫曾結相思核相思核種相思樹樹樹花開雙萼跂相思樹結

相思果顚顚中間兩人裏世人食果核棄道此中甘苦誰得知
思君迢迢終復始核又生花花又子

期君湘江千星斗不動江波寒望君泰山側石闕巍峩山逕黑
尋君北海頭洪濤怒立天風愁思君雁門道日落平沙暗秋草
思之思之不可通美人亭亭在雲中當空飛下青芙蓉芙蓉高
高不可攀欲往從之隔九關青鸞白鳳空迴還輸他漢殿執戟
班夜半窗中覩阿環

對菊竟醉放歌

西風手把離騷讀酒香花香吹滿屋簷頭月影圓如杯到眼詩
情紛似菊人生適意無不可要使胃中消磊砢明朝餓死且勿
道今日花前還醉我啖不必紫駝峯酌不必瑠璫鍾神仙多從
酒生死不飲便是真凡庸不見周亞夫壁門甲士森貔廬廊食

大哉不切肉餓紋灼灼生皮膚不見董聖卿珠襦玉柙起冢塋
累貲四十三萬萬一朝園土尸骸橫不如綠醕時在手不如清
吟自衝口摘花爲婦妝泛花爲親壽或言嗜酒李太白或言爨
菊陶彭澤獨立蒼茫冷月中一種深情人不識

題畫雜詩

泉聲自帶松子落松響更穿泉入雲爲問人閒箏笛耳一生能
得幾回聞

板橋橫截港縈紆鎮日風吹小艇孤豈但水清魚不見白鷗影
子也都無

荻花照水水俱白石壁插天天更青呼童抱取蜀琴去彈與空
山明月聽

夜宿小石洞

何處峯頭鐵笛聲飄然秋思與同清撥開落葉通泉細喝破浮
雲放月明石氣欲吹詩骨冷天風如化羽衣輕舉頭不敢舒長
嘯恐有林閒宿鳥驚

寒夜有懷

一夜風淒復雨淒屏山斜掩夢難迷雁聲清明銀箏細蠟影昏
搖紙帳低仙術難求回日馭人情誰借碎寒犀梅花莫問天涯
信咫尺樓高弱水西

畫蝶

翻作滕王第二圖風流文采玉腰奴呼將莊叟離魂出招得韓
憑怨鳬絲紙上生香疑縹緲書中乾粉易饌餬紅闥誤把輕紈
拂猶認春風集繡襦

雨中止蓮社巷

一襟寒翠滴疏林畫筆空濛著色深花有黃金分佛面葉將丹
藥鍊秋心非關元亮逃禪入畧似賓士冒雨尋天意欲晴晴未
準溼雲如絮戀遙岑

餽菊

分插霜枝五色新寒齋清供耐經旬相看不厭如良友數見能
鮮是妙人時得閒情須有膽養成晚節了無塵白衣來送銀瓶
酒恰與花枝作比鄰

寄邵元直壚水

去年春水報方生相送綠波亭下行百里簿書初聽政大朝訥
賦舊知名折腰何礙陶元亮引手誰援馬長卿此目班春應露
冕香風樓外古風清

聞隨園先生來卻寄

載得鍾山雪飄然竟渡江其詩將累萬此客本無雙會集珍珠
履香開白玉缸古梅花樹下一戰氣都降

喜味霞見過

屢齒聲來扣竹林開門一笑已秋深滿城黃葉天然畫一巷清
風太古琴畫到北宗偏見好琴如浙派易知音與君色澹聲希
處悟出千秋至妙心

送張椒卿明經

鐸

赴陽羨作書呈昉巖師

葉聲如雨酒縱橫帆趁西行月倒行此去溪山饒畫意儻逢風
雪費詩情何當寒向春邊化敢道冰從水上生陸氏莊荒無可
報梅花香裏一緘輕

隨園先生過訪同飲吳氏光霽堂卽送之郡

才大如公最愛才高軒親訪到林隈燈原昨夜生花報風亦當

門掃葉開天下人爭瞻泰岱地行仙過卽蓬萊茅齋也是脩來
福得近文星幾度來

八旬老健卻扶藤四海聲華一李膺賢地主欣隨處有女門生

喜逐年增鳳雛少擅無雙譽鴻博將邀第二徵若箇三年真踐

約瓊林同喫餅紅綾

公戲以已未同年相期

木落天寒風滿城先生到日自春生佛能廣愛神通大仙爲貪

頑足力輕身似漢秦留法物詩無唐宋主新聲朝中宰相山中

叟較福偏贏一味清

阿廣庭州國爲公同門

光霽堂中絳蠟燒酬詩勸酒夜寒消匆匆落筆皆千古滾滾清

談備四朝恨我此生偏太晚畱公無計到明朝相思願逐仙舟

去化作秦淮上下潮

離文石歌

石高七寸許殼縐皮皴周圍紫肝色頂上縹碧處宛
如葉白者爲筋葉之下覆處稍露剝削餘俱天然無
斧鑿痕石陰白處二如印章然一鐫殿中之珤殿字
稍泐洗刷乃可辨一鐫寶晉齋信乎爲米顛褻中物
也雲間陳古華太守延慶攜此石過虞同飲竹橋丈
齋頭醉後把玩數四盡漏三商乃罷時嘉慶元年仲
冬十日也

古華太守真好奇冬月啖我生離支饌餽醉眼逕攫取一笑始
悟非其時是何洞天遺下此殼縐皮皴色深紫仙人百煮喫不
得卻落米顛顛裏裏裏會藏三石峯一峯一態爭玲瓏獨喜
此石不在手不然亦歸楊次公未知何年拜恩賜却稱其寶來
殿中抑先原係米家物後乃輾轉流入官想見當時變成癖一

日摩挲手三百視之如恐傷護之若保赤有時拜之比上客億
萬蒼生不如石顛乎雖賢賢實顛不宜民牧宜書仙上有所好
下必敝不見紅塵一騎民顛連太守守辰州民誦清且廉豐碑
巨碣治蹟在召棠萊柏人爭傳比歸三泖偶弄石譬若李相營
平泉卽今朱輪行復起公才望若太華蓮區區嗜好那足道如
食果則核棄捐請看鬱林舟中一片石壓倒寶晉齋下八十一
洞天

題上沙汪

潘金

畫澗上草堂圖

國初遺老徐枋字昭法號侯齋少詹汧子舉崇禎壬
午孝廉南都失守汧殉國枋奉遺命遁迹靈巖之上
沙土舍數椽終身不入城市家貧賣畫自給川湖總
督蔡毓榮慕其名具書致名藥厚幣堅謝不受睢陽

湯斌撫吳尤欽其節嘗屏騶從雨詣山中卒不得見
所居名澗上草堂嘉慶元年夏日華亭張進士若采
鎮洋彭上舍兆菴吳江徐待詔達原訪其遺址屬汪
剛身補圖余爲題句

義熙晉處士德祐宋遺民煙水三間屋風霜百鍊身滄桑餘此
土城市絕斯人莫問南朝事淒淒草不春

海內干戈定蕭然臥草堂未空禾黍淚久廢蓼莪章浩劫歸龍
漢精靈念國殤梅花當薇蕨歲歲薦寒香

縛草靈巖麗逃名愧得名生何補家國死不見公卿畫裏山河
破詩中甲子更百年懷古客淒絕撫頽檻

百里珍珠鴨平生未得尋空餘圖畫裏一片逸民心慟哭西臺
記逃禪白社吟題成望吳岫中有首陽岑

臘八粥

何以消窮臘羅閣最有功珠泉牽古井玉粒脫新礪德耀操春
健樵青執爨工耳鎗纔火沸鼻觀已香通滑瀉銀匙滿光浮碧
盃同數珍剛八物諱語作雙弓豆類如酥軟蘭馨比霧濛燕胎
徐攪入杏酪旋和融醲亦愁膠齒清原可潤隴頤教寒陣解絕
勝酒兵攻或忌餘甘甚還供別味充女鹽調積雪君藥撤防風
卒辦驚馮異先儲效石崇汗應霑謝傳腹竟果顏公却憶清明
候曾求市肆中榆漉三日冷桃糝一瓢紅景物嗟時變膏粱喜
歲豐餽遺周戚串口數遍兒童乞米休書帖留餐更貯筒朝來
重畫取敢笑秀才窮

冬青樹引

爲蘇瑤青作也瑤青常熟人贈大學士稽留山永仁

之妾 國初耿逆叛先生挈妾在范忠貞公墓同被
執不屈幽于狴狴先生顧蘇在側掩面歔歔蘇毅然
曰君無以妾爲念妾請先解所佩帶自經屋北冬青
樹下年十七見徐旭齡世經堂文集嵇義士傳余攷
郡邑志都無載其名者急絃此詩以爲發潛聞幽之
嘯矢云

猛虎負隅縛虎急范公嵇公同被執腥風燐火黑獄中旁有如
花侍嵇立嵇也對之掩面泣載拜願君無念妾范不屈常山舌
君不屈侍中血願君報友卽報 國無學兒女徒嗚咽古來多
少英雄人大半妻孥喪其節君如念妾妾請先幽覓自候君黃
泉解妾腰下帶斷君眼前思頃刻芙蓉花化作冬青枝冬青復
冬青寒暑無彫零乃是烈婦所化之精靈當時幸遇嵇義士夫

婦同時不屈死夫卽不死婦亦死男兒枉識忠義字滿紙君不見十七如花好女子

寒夜聽雨感懷

寒宵積感已悽迷暗雨偏吹小閣西遠道有書孤雁緊殘燈無
燄一花低流年迅速泉奔壑往事思量雪印泥正是玉梅消息
杳慢勞風笛更淒淒

臘月十五夜待月

只賸今宵一度圓如何還不放嬋娟已曾風透潮收地無奈雲
多漲滿天幽翳料應千里共遲徊空廢三更眠轉頭縱有團圓
日畢竟春光又一年

十六夜見月

吹滅蘭缸坐處幽月華如雪滿簾鉤一絲清氣冰無質四面寒

光水欲流重見團圓須隔歲若論皎潔勝中秋不知如此風霜裏幾箇青天肯舉頭

寒夜書憤甫成三韻聞冰壑砒然作聲感而成此

知己不易得况逢人一雙月竟長對日漢水合流江好事天皆忌奇才鬼或降人間不平氣中夜響琤琮

虎山看月圖爲李松雲太守

堯棟

作卽送赴闕

青天一月無纖塵青山一人無他人人閒天上雨清絕冰心涌見隨冰輪初時纖纖似玉鉤爲我挂在西南樓誰家仙笛弄清怨美人正倚樓上頭少焉轉映東北角老樹橫又不能落金波下瀉劒池流虹氣上騰蟾影薄此時萬籟俱無聲秋心自向空中生三山五嶽豈足道清光受處皆蓬瀛卻憶日中真擾擾山塘如蟻行人行閉門盡入黑甜去那知世界冰壺清依依伴客

不忍別始覺素女偏多情急須好手繪此景識取平生最清境
庾亮南樓興復豪謝公牛渚心同領今月猶是古時月今人已
非古時人虎山片石得公占更無人與公能爭卽今雙輪赴京
闕不知何處重看月願公身化作月輪到處去照窮簷民

城西大石山房前明吾族西川公別墅也子孫肖像爲
祠歷三百年世守勿替族人三數輩近復葺而新之
邀蘇甘漁作圖吳竹橋文題詩其上余從而和焉

裂石洞作房天巧出人意疑是神仙居海風忽吹至蒼蒼立晴
空勢險不得墜歲久青苔花日月共爭麗城西多琳宮俯瞰此
爲最兩湖夾空明帆影扣何駛惟茲一片雲萬古鎮其地奧區
自開闢山木幾興廢山木尙有然何況人世事我閒時一來山
泉瓦鐺沸松風起颼颼似助我深唱城中甲第區士守尙匪易

靈秀天所鍾飽看到苗裔毋多慎守功祖德自罔替吳詩與蘇
畫高手出時輩懸我虛堂深三日變相對石亦有時泐山不
久致買山錢如山脩德庶足貽

天真閣集卷十終